

19/02/1999

DPMM anjur kongres

DEWAN Perniagaan Melayu Malaysia (DPMM) menerusi Sekretariat Agenda Ekonomi Melayunya akan mengadakan Kongres Pembangunan Ekonomi Melayu bertujuan menilai kedudukan terkini bangsa Melayu.

Kongres dua hari itu dijangka akan turut menggariskan langkah dan strategi untuk menempatkan bangsa Melayu dalam arus dunia global dan alaf akan datang.

DPMM dalam satu kenyataan di Kuala Lumpur semalam berkata, kongres itu dijangka dihadiri 1,500 peserta yang mewakili tokoh Melayu dari sektor korporat dan awam, institusi pengajian tinggi, agensi kerajaan, parti politik serta pertubuhan bukan kerajaan (NGO).

Kongres bermula pada 11 dan 12 Mac ini dijangka dirasmikan oleh Perdana Menteri, Datuk Seri Dr Mahathir Mohamad.

(END)